

Na osnovu članova 13. i 38. Statuta Fonda za profesionalnu rehabilitaciju i zapošljavanje osoba sa invaliditetom („Službene novine Federacije BiH“, br. 28/11, 52/25), a u skladu sa čl. 15., 36., 48., 51., 52., 53., 58. i 65. Zakona o profesionalnoj rehabilitaciji, osposobljavanju i zapošljavanju osoba sa invaliditetom („Službene novine Federacije BiH“, br. 9/10) i poglavljem III Odluke o osnivanju Fonda za profesionalnu rehabilitaciju i zapošljavanje osoba sa invaliditetom („Službene novine Federacije BiH“, br. 48/10), akta Federalnog ministarstva rada i socijalne politike broj: 06-31/14-1921/26 DJ od 24.06.2026. godine, a na prijedlog direktora Fonda, privremeni Upravni odbor Fonda za profesionalnu rehabilitaciju i zapošljavanje osoba sa invaliditetom na 100. sjednici održanoj dana 15.07.2026. godine
d o n o s i

P R A V I L N I K

o dopunama Pravilnika o ostvarivanju prava na isplatu novčanih nadoknada i subvencije neto plate broj: 01-02-2-2297/26 od 25.02.2026. godine

Član 1.

Iza člana 3. Pravilnika o ostvarivanju prava na isplatu novčanih nadoknada i subvencije neto plate broj: 01-02-2-2297/26 od 25.02.2026. godine, dodaje se novi član koji glasi:

Član 3 a)

Pravo na refundaciju uplaćenih poreza i doprinosa ostvaruju i osobe s invaliditetom koje su ostvarile pravo na penziju nakon što su ispunile jedan od osnovnih uvjeta za penziju, i to: 65 godina starosti uz minimum staža osiguranja od 15 godina ili 40 godina penzijskog staža prije navršenih godina starosti, uz obavezno dostavljanje dokaza Fondu o zdravstvenoj i psihofizičkoj radnoj sposobnosti radnika, pribavljeno od ovlaštene ustanove medicine rada (original ili ovjerena fotokopija) i rješenja o ostvarenom pravu na penziju (ovjerena fotokopija).

U slučaju da osoba sa invaliditetom pod uslovima iz stava (1) ovog člana nije ostvarila penziju, a nastavila je radni odnos, dužna je Fondu dostaviti dokaz o zdravstvenoj i psihofizičkoj radnoj sposobnosti, pribavljen od ovlaštene ustanove medicine rada.

Rješenje o penzionisananju i dokaz o zdravstvenoj i psihofizičkoj radnoj sposobnosti dostavljaju se uz podneseni Zahtjev za isplatu novčane nadoknade. Dokaz o zdravstvenoj i psihofizičkoj radnoj sposobnosti dostavlja se jedan put godišnje, sve dok osoba sa invaliditetom od Fonda refundira uplaćene poreze i doprinose.

Prilikom podnošenja prvog zahtjeva za isplatu novčane nadoknade nakon stupanja na snagu ovih dopuna, sve osobe s invaliditetom iz stava (1) ovog člana i njihovi poslodavci dužni su Fondu dostaviti dokaz o zdravstvenoj i psihofizičkoj radnoj sposobnosti, pribavljen od

ovlaštene ustanove medicine rada. U suprotnom, Fond neće izvršiti refundaciju uplaćenih poreza i doprinosa za te osobe.

Osobe s invaliditetom koje su ostvarile pravo na penziju pod uslovima iz stava (1) ovog člana, kao i poslodavci tih osoba, dužni su, na zahtjev Fonda, dostaviti svu dokumentaciju u vezi sa ostvarivanjem prava na penziju i nastavkom radnog odnosa, u svrhu ostvarivanja prava na refundaciju uplaćenih poreza i doprinosa.

Član 2.

Iza člana 5. Pravilnika o ostvarivanju prava na isplatu novčanih nadoknada i subvencije neto plate broj: 01-02-2-2297/26 od 25.02.2026. godine, dodaju se novi članovi 5 a) i 5 b) koji glase:

Član 5 a)

Svi podnosioci zahtjeva za isplatu novčane nadoknade dužni su zahtjev dostaviti u zasebnoj koverti na kojoj mora biti jasno naznačeno: „Zahtjev za isplatu novčane nadoknade za mjesec/e _____“ (navesti mjesec za koji se traži isplata novčane nadoknade). Nije dozvoljeno dostavljanje više zahtjeva za isplatu novčane nadoknade u jednoj koverti.

Zahtjev za isplatu novčane nadoknade smatrat će se blagovremenim ako je prije isteka roka za njegovo podnošenje zaprimljen u Fondu ili je najkasnije posljednjeg dana roka predat pošti kao preporučena pošiljka.

Zahtjev za isplatu novčane nadoknade koji je posljednjeg dana roka upućen običnom poštom, brzom poštom, kurirskom službom ili na drugi način, a nije zaprimljen u Fondu prije isteka roka za podnošenje zahtjeva, smatrat će se neblagovremenim i neće se razmatrati.

Član 5 b)


Zahtjev za refundaciju godišnjeg poreza na dohodak za obrtnike koji vode poslovne knjige podnosi se kao poseban zahtjev i ne podnosi se zajedno sa zahtjevom za isplatu novčane nadoknade.

Zahtjev za refundaciju godišnjeg poreza na dohodak podnosi se na obrascu ZGP, koji se može preuzeti na internet stranici Fonda - www.fond.ba ili neposredno u poslovnim prostorijama Fonda.

Refundacija godišnjeg poreza na dohodak može se tražiti samo za plaćeni porez od samostalne djelatnosti.

Član 3.

Ove dopune Pravilnika o ostvarivanju prava na isplatu novčanih nadoknada i subvencije neto plate, broj: 01-02-2-2297/26 od 25.02.2026. godine, stupaju na snagu danom donošenja, dok sve ostale odredbe navedenog Pravilnika ostaju nepromijenjene.


PREDSJEDNIK UPRAVNOG ODBORA
Dr. Senad Pešto

Broj: 01-02-2-8681/26
Sarajevo, 15.07.2026. godine

